

四庫全書

史部

欽定四庫全書

史部

御批歷代通鑑輯覽卷八十六

詳校官侍講臣王燕緒

編修臣裴謙覆勘

總校官進士臣程嘉謨

校對官編修臣朱紱

謄錄監生臣彭邦經

欽定四庫全書

御批歷代通鑑輯覽卷八十六

宋

高宗皇帝

紹興八年金天眷元年

春二月胡安國進春秋傳詔加安

國寶文閣直學士

自王安石廢春秋不列牛學官安國以為先聖手所

筆削之書天下事物無不備于此因潛心二十餘年

著春秋傳以成其志至是上之帝謂深得聖人之旨

詔進一官命未下而卒

安國彊學力行以聖人為標的志于康濟斯民見中原淪

沒遺黎塗炭常若痛切其身雖數以罪去愛君憂國
遠而彌篤風度凝遠視天下萬物無一足撥其心謝
良佐嘗語人曰胡康侯如大冬嚴雪百草
萎死而松柏挺然獨秀及卒賜諡文定

帝定都臨安

先是車駕將幸平江李綱以為平江去建康不遠徒
有退避之名不宜輕動因具奏言之既而議還臨安
張守言建康自六朝為帝王都氣象雄偉且據都會

以經理中原依險阻以捍禦疆敵陛下席未及煖今人巡幸百司六軍有勤動之苦民力邦用有煩費之憂願少安于此以繫中原民心趙鼎不可守遂求去

出知婺州至是還臨安始定都矣

一日內侍移竹栽入內趙鼎見之責

曰艮嶽花石之擾皆出汝曹今欲蹈前轍邪因奏其事帝改容謝之又有戶部官進錢入宮者鼎召至相府切責之異日問帝曰其入獻錢邪帝曰朕求之也鼎曰其人不當獻陛下不當求遂黜其人于遠郡

三月復以秦檜為尚書右僕射同平章事兼樞密使

初張浚嘗與趙鼎論人才浚極稱檜善鼎曰此人得

志吾輩無所措足矣及鼎再相檜在樞密一惟鼎言
是從鼎由是深信之言檜可大任于帝而不知為檜
所賣也檜既相制下朝士相賀獨吏部侍郎宴敦復
字景初有憂色曰姦人相矣聞者皆以其言為過
殊曾孫

夏四月詔王庶視師江淮

庶素有威望臨發勞師于都教場便服坐壇上自大
將以下悉戎服步由轅門趨庭受命而出莫敢仰視
淮上遂移張爰下張宗顏軍淮西巨師古屯太平

州分韓世忠二軍屯天長泗州緩急為聲援以劉錡
軍駐鎮江以固根本

五月王倫借金使來

倫至會寧見金主首謝廢劉豫次致使指會達蘭自
河南還言于金主請以廢齊舊地與宋金主命羣臣

議烏布力言不可東京留守額爾袞

太祖子後改名
宗雋按額爾袞

舊作訛魯觀
今改後仿此

曰我以地與宋宋必德我阿蘭

金宗室
薩拉噶

子後改名宗憲按阿蘭
舊作阿懶今改後仿此

折之曰我俘宋父兄怨非

一日若復資以土地是助讐也何德之有勿與便富
勒呼位在烏布上達蘭額爾袞附之由是富勒呼執
議以河南陝西地與宋遣倫及其太原少尹烏陵阿
思謀太常少卿石慶充來議事將至帝命吏部侍郎
魏砀館伴之砀備論敵情不可信秦檜曰公以智料
敵檜以誠料敵砀曰第恐敵不以誠待相公耳檜乃改
命吳表臣

字正仲
永嘉人

思謀等至臨安入見帝謂輔臣曰

先帝梓宮果有還期雖待二三年尚庶幾惟是太后

春秋高朕旦夕思念欲早相見此所以不憚屈已冀
和議之速成也朝臣多言其不可帝怒趙鼎曰陛下
于金人有不共戴天之讐今屈已講和不憚為之者
以梓宮及母后耳羣臣憤懣之辭出于愛君不可以
為罪陛下宜諭之曰講和非吾意以親故不得已為
之但得母后及梓宮還敵雖渝盟吾無憾帝從其言
衆議遂息

金以經義詞賦兩科取士

六月賜衍聖公孔玠衢州田

凡五頃以奉先聖祠事時玠僑于衢也

建炎初孔子四十八代孫

端友與其子玠從駕南渡居于衢州至是賜田建廟規制視曲阜終宋之世皆襲封爵

秋七月彗星見

王倫復如金

秦檜復遣倫如金定和議及申問諱日左正言辛次

膺

字起季萊州人

以國恥未雪義難講和凡七上疏力諫不

報乃以母疾求補外詔從之

八月金始頒行官制

初金太祖用漢官賞左企弓等因置中書省樞密院

于廣寧

本遼顯州金置廣寧府今為縣屬盛京錦州府

而其國用事者未

改女真官號含音烏布當國勸用漢官制度畧倣中

國之制立省寺府司太宗嘗下詔改定而未畢至是

置三師三公三省六曹臺院寺監等官宇文虛中為

之參定其制

金以會寧為上京臨潢府為北京

會寧金之舊土初稱為內地至是升為上京會寧府
改遼上京臨潢府為北京而東京遼陽西京大同南
京大興中京大定府則仍舊云

冬十月罷參知政事劉大中

大中與趙鼎不主和議秦檜忌之薦蕭振

字德起溫州平陽人

為侍御史振入臺既劾大中罷之鼎曰振意不在大
中也振亦謂人曰趙丞相不待論當自為去就矣

卿廷故將李世輔誘執金薩里罕來歸金人追及之乃

李世輔當延安
之陷不但身受

金朝官爵且為劉豫使赴東京竟甘為其子幹轄于宋之臣節已大虧矣及誘執金將事不諧而全家遇害遂乃竄身西夏立效乞兵並許取陝西五路以歸于夏意在報復私仇幾欲舉宋之故地為夏人增拓土疆所謂心乎宋室者安在使當時金不

奔夏

世輔綏德青澗人自唐以來世襲蘇尾九族

党項別部

都

巡檢使世輔年十七隨父永奇出入行陣

金人侵廊延經畧王

庶募問者世輔往應募有敵人夜宿陶穴世輔總陶穴中得十七人皆殺之取首二級馬二匹餘馬悉折

其足庶大奇之由是知名

補充隊將遷副將金人破延安授永奇

父子官永奇聚泣曰我宋臣也世襲國恩乃為彼用

邪會劉豫令世輔帥馬軍赴東京永奇密戒之曰汝

若得乘機即歸本朝無以我故貳其志事成我亦不

以鄴廷與宋世
輔必藉夏人兵
力鳴張其能不
為夏臣耶後旬
絕于夏不得已
復歸宋朝跡其
所為不過一進
退失據之人殊
無足取宋史因
其後稍立戰功
于此事亦過為
褒予豈定論哉

朽矣世輔至東京劉麟喜之授南路鈐轄乃密遣其
客雷燦以蠟書赴行在及豫廢烏珠以萬騎馳獵淮
上與世輔獨立馬圍場間世輔戒吳俊往探淮水可
渡馬處欲執烏珠歸朝俊還世輔馳問之為竹刺傷
馬而止烏珠授世輔知同州世輔至鄜省父永奇教
世輔曰同州入南山乃金人往來驛路汝可于此擒
其帥渡洛渭由虢歸朝第報知我我當以兵取延安
而歸世輔赴同州即遣黃士成等持書由蜀至吳報

歸朝事金薩里罕來同州世輔以計執之馳出城至
洛河舟船後期不得渡與追騎屢戰皆捷世輔憇高
原望追騎益多薩里罕搏頰求哀世輔乃與折箭為
誓不得殺同州人及害我骨肉薩里罕許之遂推之
下山崖追兵爭救得免世輔攜老幼長驅而北至廊城
縣本後魏敷城隋改名元省
故城在今廊州洛川縣急遣人告永奇永奇即
繫家出城至馬翅谷在廊州南亦
名馬尾崖為金人所及家屬
三百口皆遇害世輔僅以二十六人奔夏

趙鼎罷

初中書舍人潘良貴

字子賤婺州金華人

以戶部侍郎尚子諲

奏事久叱之退帝欲抵良貴罪中丞常同

字子政臨邛人

為

之辨帝欲併逐同鼎奏子諲雖無罪而同與良貴不

宜逐帝不從命下給事中張致遠

字子猷南劍州沙縣人

謂不

應以一子諲出二佳士不書黃帝怒顧鼎曰固知致

遠必綴駁鼎問何也帝曰與諸人善蓋已有先入之

言由是不樂鼎秦檜繼留身奏事及出鼎問帝何言

廷臣奏事或當詳悉數陳自非數言可了即為時稍久于理何傷豈舍人所宜叱退是子諲未非對命之體而良貴實懋侍朝之儀高宗欲抵其罪亦不為過乃論致不已遂成攻訐趙鼎且因之引退總由黨同伐異之見

固結而不可解
而當時綱紀之
不飭亦概可見
矣

檜曰上無他恐丞相不樂耳會殿中侍御史張戒論

給事中勾濤

勾氏勾芒氏之後濤字景山成都新繁人

濤言戒擊臣乃趙

鼎意因詆鼎結臺諫及諸將帝聞益疑鼎乃引疾求

罷且言劉大中持正論為張惇蔡京之黨所嫉臣議

論出處與大中同大中去臣何可留乃出知紹興府

入辭言於帝曰臣去後必有以孝悌之說脇制陛下

者將行檜率執政餞之鼎不為禮一揖而去檜亦憾

之

鼎自在相無所施為或以為言鼎曰今日之事如人患羸當靜以養之若復攻砭必損元氣矣後王

庶入對帝曰趙鼎兩為相於國有大功再贊觀征皆能決勝又鎮撫建康回鑾無虞他人所不及

以勾龍如淵

勾龍為士正其後以名為氏如淵字行父永康軍道江人為御史中丞

先是宰執入見秦檜獨留身言臣僚畏首尾多持兩

端此不足以論大事若陛下決欲講和乞專與臣議

勿許羣臣預帝曰朕獨委卿檜曰臣恐不便望陛下

更思三日檜復留身奏事帝意欲和甚堅檜猶以為

未也復進前說又三日檜復留身奏事如初知帝意

不移乃始出文字乞決和議然猶以羣臣為患中書

檜揣知高宗決意欲和先難其說以堅主志及見其不更游移始出文字贊成和議遂不復慮

衆論動搖而如
淵輩無恥之徒
復黨惡以排異
論于是無所顧
忌得逞其伎倆
檜之涉心深險
誠不可測然非
高宗存苟妄之
見亦安能徑行
其意哉

舍人勾龍如淵為檜謀曰相公為天下大計而邪說

橫起蓋不擇人為臺諫使盡擊去則事定矣檜大喜

即擢如淵為中丞劾議者卒成其志

金以張通古

字樂之
易州人

為江南招諭使來言歸河南陝西

之地

王倫至金金主以其右司侍郎張通古簽書宣徽院

事蕭哲為江南詔御使許歸河南陝西地與倫偕來

通古至泗州要所過州迎以臣禮至平江府向子諲

不肯拜且上言和議之非遂乞致仕通古至臨安要
帝待以客禮秦檜未見國書疑為封冊欲帝屈已以
受之帝曰朕嗣守太祖太宗基業豈可受金人封冊
於是朝論藉藉湯沂中解潛韓世良相率見檜曰軍
民洶洶若之何退又白之臺諫中丞勾龍如淵詣都
堂與檜詔倫責之曰公為使通兩國好凡事當即於
彼中反覆論定安有同使至而後議者倫泣曰倫涉
萬死一生往來虎口者數四今日中丞乃責倫如此

檜等共解之曰中丞無他亦欲激公了此事耳倫曰
此則不敢不免如淵謂檜曰但取金書納之禁中則
禮不行而事定給事中樓炤亦舉諒陰三年事以告
檜遂以檜攝冢宰詣館受書而倫亦以計說通古通
古從之檜至館見通古受其書通古欲百官備禮檜
使省吏朝服導從以書納於禁中人情始安通古入
見言先歸河南陝西地徐議餘事先是倫使金從趙
鼎受使指鼎言問禮數則荅以君臣之分已定問地

界則答以大河為界二事使者之大指或不從則已
倫受命而行至是倫還有詔諭江南之名帝歎息謂

王庶曰使五日前得此報趙鼎豈可去邪

初檜主和議命韓世

忠移屯鎮江世忠言金人詭詐忍以計緩我師乞留此軍蔽遮江淮因力論和議之非願効死節率先迎敵若不勝從之未晚章數上皆慷慨激切且請單騎詣關面奏帝不許及張通古來以詔諭為名世忠四上疏言不可願舉兵決戰兵勢最重處臣請當之且上言金人欲以劉豫相待舉國士大夫盡為陪臣恐人心離散士氣凋沮不報通古還世忠伏兵洪澤鎮將邀殺之以壞和議不克而罷

十一月罷直學士院曾開

字天游河南人

詔羣臣議和金得失

貶樞密院編修官胡銓

字邦衡
廬陵人

監廣州都鹽倉

禮部侍郎兼直學士院曾開當草國書辨視體制非
是論之不聽遂請罷改兼侍講秦檜以溫言慰之曰
主上虛執政以待開曰儒者所爭在義苟為非義高
爵厚祿弗顧也願聞所以事敵之禮檜曰若高麗之
於本朝耳開曰主上以盛德登大位公當強兵富國
尊主庇民奈何自卑辱至此非開所聞也復引古誼
折之檜大怒曰侍郎知故事檜獨不知也開又詣都

堂問計策安出檜曰聖意已定尚何言公自取大名而去如檜但欲濟國事耳然猶慮羣言乃詔金國遣使入境欲朕屈已受和在朝侍從臺諫其詳思條奏

和好得失於是開與從官張燾晏敦復魏矼李彌遜

字似之
吳縣人

尹焞梁汝嘉

字仲謨
麗水人

樓炤蘇符薛徽言

字德

老溫
州人

御史方廷實館職胡珵朱松張擴凌景夏常明

范如圭

字伯達
建陽人

馮時中許忻

拱州人

趙雍皆言不可和

胡銓抗疏極言

畧曰臣按王倫本一狎邪小人且市井無賴頃緣宰臣無識舉以使金專

務詐誕欺罔天聽今者無故誘致金使以詔諭江南
為名是欲劉豫我也陛下奈何以祖宗之天下為金
人之天下以祖宗之位為金人藩臣之位異時吞噬
無厭之求安知不加我以無禮如劉豫也哉今倫之
議曰我一屈膝則梓宮可還太后可復淵聖可歸中
原可得嗚呼自變故以來主和議者誰不以此說啗
陛下哉然而卒無一驗則敵之情偽已可知矣而陛
下尚不覺悟竭民膏血而不恤忘國大業而不報含
垢忍耻舉天下而臣之甘心焉可為痛哭流涕長太
息矣臣竊謂不斬王倫國之存亡未可知也雖然倫
不足道也秦檜以腹心大臣不能致君如唐虞而欲
導陛下如石晉孫近傳會檜議遂得參政伴食中書
漫不敢可否檜曰可和近亦曰可和檜曰天子當拜
近亦曰當拜嗚呼參贊大事徒取充位如此有如敵
騎長驅尚可折衝禦侮耶臣竊謂檜近亦可斬也臣
備員樞屬義不與檜等共戴天區區之心願斷三人

頭竿之豪街然後遇留金使貴以無禮徐興問罪之
師則三軍之士不戰而氣自倍不然臣有赴東海而
死寧能處小書上檜以銓狂妄恣悖鼓衆劫持詔除
朝廷求活耶

名編管昭州仍降詔播中外給舍臺諫及朝臣多救

之檜迫于公論翌日改銓監廣州都鹽倉

宜興進士吳師古餒

銓疏於本金人募之千金朝士陳剛中以啟事賀銓
之謫師古坐流袁州剛中謫知虔州安遠縣皆死焉
晏敦復謂人曰頃言檜姦諸君不以爲然今方專國使
敢爾他日何所不至邪時李剛提舉洞霄宮在福州
亦上疏言王倫之歸與金使偕乃以詔諭江南爲名
不著國號而曰江南不云通問而曰詔諭此何禮也
臣在遠方不知曲折然以愚意料之金爲此名以遣
使其要求有五必降詔書欲陛下屈體降禮以聽受

一也必有敕文欲朝廷宣布煩示郡縣二也必立約束欲陛下奉藩稱臣稟其號令三也必求我賂廣其數目使我自困四也必求割地以江南為界五也此五者朝廷從其一則大事去矣金人變詐不測貪婪無厭縱使聽其詔令奉藩稱臣其志猶未已必繼有號召或使親迎梓宮或使單騎入覲或使移易宰相或使改革政事或竭取賦稅或股割土宇從之則無有紀極一不從則前功盡廢反為兵端以為權時之宜聽其邀求可無後悔者非愚則誣也

疏入不省

安遠蕭梁縣今贛州府

王庶罷

庶論金不可和上疏者七見帝言者六秦檜方挾金自重以為功絀其說庶語檜曰公不思東都抗節存

趙時和檜大恨庶因乞免簽書和議文字 累疏求

去遂罷為資政大學士知潭州

十二月以李光參知政事

秦檜引用李光時欲背其虛名以息羣議光既素負人望寧不知議和之非乃竟隨同押榜是何為者追聞淮南撤備始以言見忤而去惜已晚矣

秦檜既定和議將揭榜以吏部尚書李光有人望欲藉之同押榜以息浮議乃請于帝而用之光既受命遂于尚書省榜諭金國使來盡歸河南陝西故地通好於我許還梓宮及母兄親族餘無需索

己未 九年 金天眷 春正月大赦

以金國通和也張浚在永州上疏言燕雲之舉其鑑
不遠金自宣和以來挾詐反覆傾我國家蓋非可結
以恩信者借令天屬盡歸河南遂復我德其厚賜謹
守信誓數年之後人情益解士氣潛消彼或指瑕造
謗肆無厭之欲發難從之請其將何辭以對況于事理
可憂又有甚於此者前後凡五上疏皆不報岳飛在
鄂州聞金將歸河南上言金人不可信和議不可
恃相臣謀國不臧恐貽後世譏秦檜銜之及赦至鄂

飛又上疏力陳和議之非至有願定謀於全勝期收地於兩和唾手燕雲終欲復讐而報國誓心天地尚

令稽首以稱藩之語疏入檜益怒遂成讐隙

和議成
例加爵

賞飛加開府儀同三司辭曰今日之事可憂而不可
賀可訓兵防士謹備不虞而不可論功行賞取笑敵
人三詔不受帝溫言獎諭之飛乃受命吳璘在熙州
其幕為賀表璘愀然曰在朝廷息兵息民誠天下慶
璘等叨竊重祿不能宣國威靈
亦可愧矣但當待罪稱謝可也

三月遣判大宗正事士褒

字立之鄆康孝
王仲御之子

兵部侍郎張

燾詣河南修奉陵寢

初史館校勘范如圭以書責檜力建和議忘讐辱國
之大罪且曰公不喪心病狂奈何為此必遺臭萬世
矣及金人歸河南地檜方自以為功如圭入對言兩
京之版圖既入則九廟八陵瞻望咫尺今朝陵之使
未遣何以慰神靈萃民志乎帝泣然曰非卿不聞此
言即日遣士褒等往檜以如圭不先白已益怒如圭
遂謁告去

以尹焞提舉萬壽觀兼侍講辭不拜

先是資善堂翊善朱震疾亟薦煇自代帝慘然曰楊
時物故胡安國與震又亡朕痛惜之趙鼎曰尹煇學
問淵深可以繼震乃除煇太常少卿兼崇政殿說書
至是改命煇以和議為非固辭不拜

以王倫為東京留守

命倫交割地界又以周聿為陝西宣諭使方庭實為
三京宣諭使已而淪至汴金人遂歸河南陝西之地
得東西南三京壽春府亳州
單州及京西陝西諸州地
廷實至西京先朝陵寢

自永昌而下皆遇發掘而哲宗陵至暴露廷實解衣覆之歸以白帝秦檜怒之尋以路允迪為南京留守孟庾兼東京留守李利用權留守西京

以吳玠為四川宣撫使

玠以金人對疊且十年常苦遠餉勞民屢汰冗員節浮費益治屯田和議之成帝以玠功高授開府儀同三司四川宣撫使陝西階成等州皆聽節制遣內侍奉手札以賜至則玠病甚扶掖聽命

夏四月命樓炤宣撫陝西

炤至鳳翔承制以楊政為熙河經畧使吳璘為秦鳳經畧使屯內地以保蜀郭浩為廊延經畧使屯延安以守陝炤倚秦檜勢妄自尊大且好貨失將士心

罷權吏部尚書晏敦復

和議之初敦復力詆屈己之非秦檜使人誅之曰公若屈從兩地旦夕可至敦復曰吾終不以身計而誤國家况吾薑桂之性到老愈辣請勿復言檜卒不能

屈權吏部甫踰月罷知衢州

五月李世輔自夏來歸賜名顯忠

世輔至夏夏人問其故世輔泣具言父母妻子之亡切齒疾首恨不即死願得二十萬人生擒薩里罕取陝西五路歸于夏世輔亦得報不共戴天之讐夏主曰爾能立功則不靳借兵時有酋豪號青面夜叉者久為夏國患令世輔圖之世輔以三千騎晝夜疾馳奄至其帳擒之還夏主大悅出二十萬騎以文臣王

樞武臣伊克為陝西招撫使世輔為延安招撫使世輔至延安總管趙惟清大呼曰郎廷今復歸朝已有赦書世輔取赦文觀之因與官屬列拜大哭乃以舊部八百餘騎往見王樞伊克諭之曰世輔已得延安府見講和赦書招撫可以本部軍歸國伊克不從曰初經畧乞兵來取陝西今既到此乃令我歸邪世輔知勢不可乃出斫伊克不及擒王樞縛之夏人以鐵鷄鷄子軍來世輔以所部拒之馳揮雙刀所向披靡夏

兵大潰殺死蹂踐無慮萬人獲馬四萬匹世輔揭榜
招兵每得一人予馬一匹旬日間得驍勇少壯者萬
人乃擒害其父母弟姪者斬於東市行至鄜州有馬
步軍四萬餘吳玠遣張振撫諭之曰兩國見議和好
不可生事世輔遂見玠于河池玠遣詣樓炤于長安
炤承詔以為護國軍承宣使樞密行府前軍都統制
送之朝世輔乃率部下三千南來帝撫勞再三賜名
顯忠

夏主乾順卒子仁孝立

自是夏受金人冊命不復通使于宋

仁孝改元大慶號乾順曰崇宗

開府儀同三司四川宣撫使吳玠卒

諡武安

自富平之敗金人專意圖蜀玠身當其衝無蜀久

矣既卒西人思之立祠以祀

玠善讀史凡往事可師者錄置座右積久牆牖

皆格言也用兵未豫吳務遠畧不近求小利故能保必勝御下嚴而有恩虛心請受雖身為大將卒伍最下者得以情達故士樂為之死選用將佐視勞能為高下先後不以親故權貴撓之卒贈少師

士褒張燾還自河南出燾知成都府

肅已疏言金人之禍及山陵高宗亦何忍復問况永昌以下諸陵之暴露發掘前此方庭實奉使歸嘗備言之亦何待再問或

士褒至鄂岳飛請以輕騎從洒掃實欲觀釁以代謀

秦檜白止之士褒出蔡頴河南百姓歡迎夾道以喜

以泣曰久隔王化不圖今日復為宋民遂入栢城

在河

南府
鞏縣

披歷荆榛隨宜葺治禮畢而還詔封士褒為齊

安郡王張燾奏疏曰金人之禍上及山陵雖懾服之

未足以雪此恥復此讐也必不可恃和盟而忘復讐

之大事帝問諸陵寢何如燾不對惟言萬世不可忘

此恥帝默然秦檜患之出燾知成都府

責燕僅渾涵以
對不能直陳其
狀以激動君心
不知高宗始聞
燕對而默然旋
以不容于檜亦
使出外即使燕
盡情實對高宗
亦且付之無可
如何而已又豈
能奮發雪恨哉

秋七月以胡世將

字承公宿之曾孫

為四川宣撫副使

世將精神明悟開習吏治初除宣撫諸將皆賀世將
語之曰世將不習騎射不知敵情朝廷所以遣來者
襲國家故事以文臣為制將耳軍事一無改吳宣撫
之規各推誠心共濟國事可也諸將皆拜謝
金宋王富勒呼等謀反伏誅

金富勒呼自以太宗長子跋扈尤甚克王額爾袞為
左丞相復附之達蘭方持兵柄遂相與謀反事覺富

勒呼額爾袞皆伏誅以達蘭屬尊釋不問已而達蘭

復以謀反伏誅

時金以達蘭與杜充為行臺左右丞相命下達蘭謂使者曰我聞國功臣

也何罪而使我降與杜充同伍遂復與翼王呼蘭等謀反事覺金主疑達蘭與宋陰結故主割地遂命誅之達蘭南走追而殺之于祁州其黨皆死呼蘭舊作鵲懶今改

王倫如金金人執之

烏珠言于金主曰達蘭富勒呼主割河南與宋必有陰謀今使在汴勿令踰境倫聞之即遣介具言于朝會孟庾至汴倫即解留鑰將使指赴金國議事行至中

山會遼蘭謀反金人執之遣副使藍公佐還議歲貢
正朔誓命等事及索河東北士民之在南者而徙倫
居于河間以待報命之至時皇后邢氏崩于五國城
金人秘之

冬十二月李光罷

光初謂可因和為自治之計故署榜不辭及秦檜議
撤淮南守備奪諸將兵權光始極言和不可恃備不
可撤檜惡之光復折檜于帝前曰觀檜之意是欲壅

蔽陛下耳目盜弄國柄懷姦誤國不可不察檜大怒
光遂求去

庚申

十年

金天三年

春正月遣工部侍郎莫將等使金

初將為司農丞與監察御史施廷臣附秦檜抗章力
贊和議檜擢用將為起居郎廷臣為侍御史朝論大
駭尚書晏敦復等上疏切諫于是二人皆不敢受命
檜患之至是以將為工部侍郎充迎護梓宮奉迎兩
宮使

故相李綱卒

謚忠定

綱負天下之望以一身用舍為社稷生民安危雖身或不用用且不久而其忠誠義氣凜然動手遠邇每

使者至今金人必問李綱趙鼎安否其為遠人所畏

服如此及是卒於福州贈少師

朱子曰綱知有君父而不知有身知天下

之安危而不知身之有禍難難以讒間竄斥屢瀕九死而愛君憂國之志終有不可奪者可謂一世之偉

人矣

夏五月金烏珠薩里罕分道南侵復破河南陝西州郡

烏珠以歸河南陝西地為非計而張通古又言宋置
戍河南請及其部置未定當議收復烏布熱之及達
蘭誅遂大閱國中兵于祁州命烏珠自黎陽趨河南右
監軍薩里罕出河中趨陝西烏珠率孔彥舟等入汴
遣烏祿鄂爾多之子即世宗取歸德李成取河南分兵下諸郡
于是東京留守孟廣南京留守路允迪皆以城降權
西京留守李利用棄城走河南州縣皆降拱州守臣
王慥亳州提轄魏經死之薩里罕入同州趨永興軍

權知軍事郝遠開門納之陝西州縣所至迎降遠近

震恐

秦檜以其言不警甚懼謂給事中馮檣曰金人敗盟我之去就未可卜前此大臣皆不足慮獨

君卿素未測上意君其為我探之檣入見曰金人長驅犯順勢必與師如張浚者且須以我檣付之帝正

色曰寧至覆國不用此人捨間之喜

詔吳璘同節制陝西諸軍六月璘敗金人于扶風復其

城薩里罕走鳳翔

初胡世將在河池倉卒召諸將議時吳璘孫渥已在

楊政田晟繼至諸將請少退清野以挫其鋒渥言河

張俊嘗屢出視師高宗深加倚任自力諫和議以後遂見疎然所言雖與檣抵牾實乃心存忠愛何至疾之如仇寧覆國不用此人豈人君所宜出諸口者哉高宗處心積慮久無意于中原非僅為奸邪所愚弄爾

池不可守璘厲聲折之曰懦語沮軍可斬也璘請以

百口保破敵世將壯之指所居帳曰世將誓死于此

遂遣諸帥分據渭南尋詔世將移屯蜀口以璘同節

制陝西諸路軍馬時金人攻石壁砦

在秦州界

璘遣姚仲

等破走之既而薩里罕使鵬眼郎君以三千騎衝璘

軍璘使統制李師顏以驍騎擊敗之金人先于扶風

築城既敗入城拒守官軍攻拔其城獲三將及女真

百十七人薩里罕怒甚自戰百通坊

在鳳翔府扶風縣西南

仲

力戰破之薩里罕還鳳翔由是金人不敢度隴分屯之軍得全師而還

東京副留守劉錡大敗金人于順昌烏珠走汴

初錡赴東京率所部自臨安泝江絕淮至渦口方食忽暴風拔坐帳錡曰此惡兆也主暴兵即下令兼程而進聞金人敗盟南下錡與將佐舍舟陸行先趨三百里至順昌城下諜報東京已降知府陳規見錡問計錡曰城中有糧則能與君共守規曰有米數萬斛

錡曰可矣乃與規議敝兵入城為守禦計

時錡所判多王彥八

字軍以將駐于汴皆攜孥以行至是錡台諸將問計諸將皆曰金兵不可敵也請以精銳速老雅順流還江南錡曰吾本赴官留司今東京為金所破幸吾全軍至此有城可守奈何棄之吾意決矣敢言去者斬乃鑿舟沉之示無去意寘家寺中積薪于門戒守者曰脫有不利即焚吾家毋辱敵手也于是軍士皆奮男子備守戰婦人礪刀劍爭呼躍曰平日人救我八字軍今日我當與國破敵立功

時守備一

無所恃錡于城上躬自督勵取劉豫時所造癡車以輪轆埋城上又撤民戶扉周匝蔽之城外有民居數千家悉焚之凡六日粗畢而金兵已涉潁河遂圍城

錡預于城下設伏擒金將阿里

舊作阿黑今改後仿此

等二人

詰之云韓將軍

謂韓常

營白沙窩

在順州府阜陽縣西北

距城三十

里錡夜遣千餘人擊之連戰殺傷頗衆既而金三路

都統葛王烏祿以兵三萬與龍虎大王合而薄城錡

令開諸門金人疑而不敢近錡用破敵弓翼以神臂

彊弩射之敵稍却復以步兵邀擊溺河死者不可勝

計破其鐵騎數千時順昌圍已四日金兵益盛乃移

砦於李村

在阜陽縣北

錡遣閻充募壯士五百夜斫其營

是夕天欲雨電光四起見辮髮者輒殲之金兵退十

五里錡復募百人往或請銜枚錡笑曰無以枚也命

折竹為詔

古弔切同叫周禮鵠人齊旦以詔百官

如市井兒以為戲者

人持一為號直犯金營電所燭則奮擊電止則匿不

動金兵大亂百人者聞吹詔聲即聚金人益不能測

終夜自戰積屍盈野退軍老婆灣

在潁州府太和縣潁河北岸

烏

珠在汴聞之即索靴上馬帥十萬衆來援錡會諸將

問計或言今已屢捷宜乘此勢具舟全軍而歸規曰

朝廷養兵十五年正為緩急之用況已挫敵鋒軍聲
稍振雖寡衆不敵然有進無退錡曰府公文人猶誓
死守況汝曹耶且敵營甚邇而烏珠又來吾軍一動
彼躡其後則前功俱廢使敵侵軼兩淮震驚江浙則
平生報國之志反成誤國之罪衆皆感動思奮曰惟

太尉命

錡募得曹成等二人諭之曰遠汝作間事捷
重賞第如我言敵必不殺汝今置汝綽路騎

中汝遇敵則作墜馬為敵所得敵帥問我何如人則
曰太平邊帥子喜聲使朝廷以兩國講和使守東京
圖逸樂耳已而二人果遇敵被執烏珠問之對如前
烏珠喜曰此城易破耳即置鵠車砲具不用而械成

等還
錡

烏珠至城下責諸將喪師衆皆曰南朝用兵非
昔之比元帥臨城自見錡遣耿訓約戰烏珠怒曰劉
錡何敢與我戰以吾力破汝城直用靴尖趯倒耳訓
曰太尉非但請戰且謂太子必不敢濟河願獻浮橋
五所濟而大戰烏珠曰諾乃下令明日府治會食遲
明錡果為五浮橋于潁河上置毒潁上流及草中戒
軍士雖渴死毋飲于河時大暑金人遠來疲敝晝夜
不解甲人馬飢渴食水草者輒病往往困乏錡士氣

閒暇軍皆番休方晨氣清涼按兵不動逮未申時忽遣數百人出西門接戰俄遣數千人出南門戒令勿喊但以銳斧犯之統制官趙搏韓直身中數矢戰不肯已士殊死鬪入其陣刀斧亂下金兵大敗是夕大雨平地水深尺餘明日烏珠拔營而去錡遣兵追之死者數萬方大戰時烏珠被白袍乘甲馬以牙兵三千出戰兵皆重鎧甲號鐵浮圖戴鐵兜鍪周匝綴長簷三人為伍貫以韋索每進一步即用拒馬擁之進

一步拒馬亦進退不可卻騎軍以鎗標去兜鍪大斧
斷其臂碎其首金又以鐵騎分左右翼號拐子馬皆
女真為之號長勝軍專以攻堅戰酣然後用之自用
兵以來所向無前至是亦為騎軍所殺自辰至申騎
以拒馬木為障少休城上鼓聲不絕乃出飯羹坐餉
戰士如平時金人不敢近食已復撤拒馬木深入大
戰又破之棄屍斃馬血肉枕藉車旗罷甲積如山阜
烏珠平日所恃以為强者十損七八至陳州數諸將

之罪皆鞭之遂還汴

既而洪皓自金密奏順昌之捷金人震恐喪魄燕之重寶珍麗

悉徙而北意欲損燕以南棄之故議者謂是時諸將協心分路追討則烏珠可擒汴京可復而王師五還

自失機會

良可惜也

岳飛遣兵敗金人于京西

帝賜飛札曰設施之方一以委卿朕不遥度飛乃遣

王貴牛臯楊再興李寶

河北人

等經畧西京汝鄭潁昌

陳曹光蔡諸郡又命梁興渡河糾合忠義社取河東

北州縣又遣兵東援劉錡西援郭浩自以其軍長驅

以圖中原將發密奏言先正國本以安人心然後不常
厥居以示不忘復仇之意飛將李寶牛車相繼敗金
人于京西

閏月金人攻涇州經畧田晟破走之

薩里罕與吳璘楊政夾渭河而陣璘駐兵大蟲嶺

即西

平原在鳳翔府寶雞縣東北其原高峻故謂之嶺

薩里罕覘之曰善戰者立

于不敗之地此難與爭乃引去趨邠州田晟遣將拒

之于青溪嶺

在平涼府涇州西南

胡世將又遣王彥楊從儀分

道而出屢戰敗之薩里罕還屯鳳翔既而復出攻涇
州田晟據山為陣乘金師壁壘未定奮兵擊敗之奪
其兵馬甚衆薩里罕走還鳳翔

岳飛收復河南州郡

飛攻金人于蔡州破之復其城于是遣張憲敗金韓
常于潁昌又復淮寧府郝晟復鄭州張應韓清復西

京楊遇復南城軍

宋置在河南府鞏縣西南

喬握堅復趙州他將

所至皆捷金人大震河南兵馬鈐轄李興聚兵應飛

收復伊陽等八縣及汝州金河南尹李成棄城遁走

詔興知河南府飛又使張應李興復永安軍

宋初置縣以奉

陵寢後改軍故城
在今鞏縣西南

韓世忠遣兵復海州

世忠使王勝等復海州父老哀金帛以犒軍勝不受
世忠每出軍必戒以秋毫無犯軍之所過耕夫皆荷
鋤而觀

張俊使王德復宿州金人棄毫而遁俊入毫遽還壽春

俊遣統制王德援潁昌兵還就檄德復宿州德倍道
自壽春馳至蘄縣與金游騎遇遂入城偃旗卧鼓遊
騎引去德因潛師趨宿州夜半薄金營金人阻汴水
邀戰德策馬先濟步騎從之遙謂金人曰吾與爾大
小百戰雖名王貴胄莫不糜碎爾何為者金將高統
軍遂投兵降守將馬秦馳入城閉門固守德叱其子
順先登秦遂降宿州平德乘勝趨亳州與俊會于城
父

注見前

時酈瓊與葛王烏祿在亳聞德至日夜又未

易當也即遁去德入亳州請于俊曰令兵威已震請

乘勝進取俊不從而還

初欽宗時德以十六騎徑入
隆德府縛金守臣姚太師獻

于朝欽宗問狀姚對曰臣就縛時
止見夜叉耳由是人呼為王夜叉

安置趙鼎于潮州

秦檜惡鼎居越逼已徙知泉州又諷司諫謝祖信等

論鼎嘗受張昌邦偽命遂爾奪節提舉洞霄宮鼎自

泉還復上書言時政檜忌其復用又諷中丞王次翁

字慶魯
濟南人論其乾沒都督府錢十七萬謫官居興化軍

次翁及右諫議大夫何鑄

字伯壽
餘杭人

論之不已乃貶清

遠軍節度副使潮州安置

秋七月以王次翁參知政事

次翁由秦檜薦為中丞凡可以為檜地者無不力為之及金人敗盟帝下詔罪狀烏珠次翁懼檜得罪因奏曰前日國是初無主議事有小變更用他相後來者未必賢而排黜異黨紛紛累月不能定願陛下以為至戒帝深然之檜德其言遂引同列由是檜益安

據其位公論不能撼搖矣

岳飛擊走金烏珠于郾城追至朱仙鎮

在開封府祥符縣西南以朱亥

舊里故名大破之遣使修治諸陵

先是飛赴西京秦檜力主和議奏遣司農少卿李若虛詣飛營諭旨班師會飛已復河南州郡相繼奏捷至是飛留大軍于潁昌命諸將分道出戰自以輕騎駐郾城兵勢甚銳烏珠大懼會諸帥欲併力一戰朝廷聞之詔飛審處自固飛曰金人伎窮矣乃日出挑戰

北人使馬惟以
控縱便捷為主
若三馬聯絡馬
力既有參差勢
必此前彼却而
三人相連或勇
怯不齊勇者且
為怯者所累此
理之易明者拐
子馬之說金史
本紀兵志及烏
珠等傳皆不載

且罵之烏珠怒合龍虎大王蓋天大王及韓常之兵逼
郾城飛遣子雲領騎兵直貫其陣戒之曰不勝先斬
汝雲與金人戰數十合殺傷甚衆烏珠以拐子馬萬
五千來飛戒步卒以麻扎刀入陣勿仰視第斫馬足
拐子馬相連一馬仆二馬不能行飛軍奮擊遂大破
之烏珠大痛曰自海上起兵皆以此勝今已矣因復
益兵而前飛自以四十騎突戰敗之烏珠憤甚合師
十二萬次于臨潁楊再興以三百騎遇之于小商橋

惟見宋史岳飛
劉錡傳本不足
為確據況烏珠
戰陣素嫻必知
得進則進得退
則退之道豈肯
羈絆已馬以受
制於人此或彼
時列隊齊進所
向披靡宋人見
其勢不可當逆
因而妄加之以
名目耳即所云
馬被重鎧亦徒
束縛而不能騁
其騰驤之力尤

在許州臨潁縣南下臨小潁河驟與之戰殺二千人及萬戶薩巴舊作

撤八令改後仿此千戶百人再興死之獲屍焚焉得箭鏃二

升飛痛惜之張憲繼至復戰烏珠夜遁追奔十五里

中原大震飛謂子雲曰敵屢敗必還攻潁昌汝宜速

援王貴既而烏珠果至貴將游奕雲將背嵬戰于城

西雲以騎兵八百挺前決戰步卒張左右翼繼之殺

烏珠塔夏金吾飛又使梁興會太行忠義兩河豪傑

敗金人于垣曲又敗之于沁水遂復懷衛州斷金人

理所必無紀事
家祖于兵車如
介之說強為傳
會不足當有識
者一晒千載傳
訛耳食之徒無
能究其真偽皆
為史冊無稽之
說所誤不得不
明辯之

山東河北之道金人大恐飛進軍朱仙鎮距汴京四
十五里與烏珠對壘而陣遣背嵬騎五百奮擊大破
之烏珠還汴飛檄陸臺令行視諸陵葺治之

岳飛奉詔班師還鄂河南州郡復入于金

兩河豪傑李通等率眾歸飛自是金人動息山川險
要飛皆得其實中原盡磁相澤潞晉降汾隰之境皆
期日與兵與官軍會其所揭旗以兵為號父老百姓
爭挽車牽牛戴糗糧以饋義軍頂盆焚香迎候者充

滿道路自燕以南金人號令不行烏珠欲簽軍以抗
飛河北無一人應者乃歎曰自我起北方以來未有
如今日之挫衄金將烏陵阿思謀素驍勇桀黠亦不
能制其下但曰毋輕動待岳家軍來即降金將王鎮
崔慶李顗崔虎華旺等率所部降飛龍虎大王之將
噶克察舊作忙查令改等亦密受飛旗榜自其國來降韓常
亦欲以衆五萬內附飛大喜諭其下曰直抵黃龍府
與諸君痛飲爾方指日渡河而秦檜欲畫淮以北與

岳飛奉詔班師
議者病其不能
達維以圖恢復
此甚非也人徒
見飛長驅遠北
轉戰克捷金人
號令不能行于
河北謂其功在
垂成不知飛孤
軍深入內外無
援安能保其長
操必勝此叩馬
書生所以進料
岳少保之且退
也飛雖善戰亦
止當一面耳及

金和諷臺臣請班師飛奏金人銳氣沮喪盡棄輜重
疾走渡河而我豪傑向風士卒用命時不再來機難
輕失檜知飛志銳不可回乃先請張俊楊沂中等歸
而後上言飛孤軍不可久留飛一日奉十二金字牌
乃憤惋泣下東面再拜曰十年之力廢于一旦乃自
郾城引兵還民遮馬痛哭訴曰我等迎官軍金人皆
知之相公去我輩無噍類矣飛亦悲泣取詔示之曰
我不得擅留哭聲振野飛留五日以待民徙從而南

諸路大兵已撤中原無復宋師脅飛以不得不還之勢至金牌促召固已事不可為飛之悲泣回軍實亦知難而退者區區功罪之說猶未深察其時勢之當然也惟是臨安偏處已非一木所能支而復多方以挫抑其良將自壞長城檜之姦不足置論

者如市飛亟奏以漢上六郡間田處之

初烏珠敗于朱仙鎮欲棄汴而

去有書生叩馬曰太子毋走岳少保且退烏珠曰岳少保以五百騎破吾十萬京城日夜望其來何謂可守生曰自古未有權臣在內而大將能立功于外飛者岳少保且不免況欲成功乎烏珠悟遂留不去飛

還烏珠遣兵追之不及而河南新復府州皆復為金

有飛至鄂力請解兵權不許久而入覲帝問之飛拜

謝而已

周禮曰飛甫班師河南遂破是固天之所以限南北也或以飛即被詔違而前進竟復舊物以功贖罪不亦可乎曰違而前進則是有跋扈不臣之心況十二金牌一日送至雖功益天下罪亦難贖君子其肯蒙

高宗誠無人心者耳

首惡之名哉

八月貶秘閣修撰張九成

字子詒開封人徙錢塘等官

九成及喻樗陳剛中凌景夏樊光遠毛叔度元鑒等

七人嘗不主和議為秦檜所惡至是皆降黜之

九成從楊

時學紹與初舉進士對策直言無隱及為刑部侍郎會金人議和九成言于趙鼎曰金實厭兵而張虛聲以撼中國耳因陳十事云使誠能從吾所言則與之和使權在朝廷鼎罷相檜誘之曰且成檜此事九成曰九成胡為異議特不可苟安耳檜曰立朝須優游委曲九成曰未有枉已而能直人者帝問以和議九成對曰敵情多詐不可不察檜尤惡之

楊沂中軍潰于宿州走還泗金人屠宿州

沂中兵至宿州金遣間告敵騎數百屯柳子鎮

注見前

沂中自將五百騎夜襲之不見金兵而還金人以精兵伏歸路沂中軍潰遂自壽春走歸泗金人屠宿州九月遣使諭韓世忠罷兵還鎮

時諸大帥皆還鎮

金殺其左丞相古紳右丞相蕭慶

冬十月金薩里罕破慶陽河東經畧使王忠植死之

忠植本河東步佛山

方輿紀要在汾州府永寧州

忠義人

鄉勇之結忠義

者以復石代等十一州功授河東路經略安撫使及

薩里罕侵慶陽知府宋萬年拒守胡世將檄忠植以所

部救慶陽行次延安叛將趙惟清執忠植詣薩里罕

薩里罕使甲士引至慶陽城下諭降忠植呼曰我太

行忠義也為金所執使來招降願將士勿負朝廷堅

守城壁薩里罕怒詰之忠植披襟曰當速殺我遂遇

害萬年以城降

後贈忠植奉國軍節度使諡義節

臨安火

十一月金封孔子後璠為衍聖公

時金主興禮樂立孔子廟于上京求孔子後得四十
九代孫承奉郎璠遂封之

十二月金始置屯田軍于中原

金既取河南猶慮中原士民懷貳始創屯田軍凡女
真奚契丹之人皆自本部徙居中州與百姓雜處計
其戶口授以官田使自播種春秋量給其衣若遇出

師始給錢米凡屯田之所自燕南至淮隴之北俱有之皆築壘于村落之間

辛酉十一年

金皇統元年

春正月金烏珠破壽春入廬州詔張

俊等將兵救之二月王德復和州

烏珠自敗後留屯京毫出入許鄭之間僉兩河軍與舊部十餘萬以謀再舉及聞秦檜召諸軍還乃攻破壽春遂渡淮入廬州詔張俊楊沂中帥兵赴淮西岳飛進兵江州尋詔韓世忠引兵往援時烏珠自合肥

趨歷陽游騎至江張俊議分軍守南岸王德曰淮者
江之蔽也棄淮不守是謂脣亡齒寒敵數千里遠來
餉道決不繼及其未濟急擊之可以奪氣若遲之使
少安則淮非吾有矣固請而行即石采石俊督軍繼
之宿江中德曰明旦當會食歷陽已而夜拔和州晨
迎俊入烏珠退保昭關
在和州含山縣北史記伍子胥橈載而入昭關即此尋
復來爭和州俊擊敗之既而德又敗韓常于含山縣
東

唐置今屬和州

又敗烏珠于昭關復含山及昭關

金人破商州邵隆復之

楊沂中劉錡敗金烏珠于柘皋

即春秋索輿索拓音相近而訛後人又因拓類

柘而再遂復廬州

劉錡自太平渡江與張俊楊沂中會而廬州已破錡

乃與關師古

先降劉豫後復來歸

據東關

注見前

之險以遏金兵

引兵出清溪

在廬州府巢縣東北水經注清溪水東逕清溪城南流注柘水即此

兩戰

皆捷烏珠以柘皋地坦平利于用騎因駐師錡進兵

與烏珠夾石梁河

即濡須水之石梁口也注見前

而陣河通巢湖廣

二丈鎬命曳薪壘橋湏臾而成遣甲士數隊踰橋卧
槍而坐遣人會合張俊楊沂中之師翌日沂中及王

德田師中張子蓋

字德高
俊從子

諸軍俱至惟俊後期鎬與

諸將分軍為三並進渡河以擊之師中欲俟俊至德

曰事當機會復何待即與鎬上馬先迎敵沂中繼之

烏珠以鐵騎十萬餘分為兩隅夾道而陣德曰敵右

陣堅我當先擊之麾軍渡河首犯其鋒一將被甲躍

馬而出德引弓一發斃之乘勝大呼馳擊諸軍鼓譟

從之金人以拐子馬兩翼而進德率衆鏖戰沂中曰
敵恃弓矢吾有以屈之使萬人持長斧如牆而進金
遂大敗德與錡等追之又敗于東山

在巢縣東

金兵望見

驚曰此順昌旗幟也即走保紫金山

注見前

是役也失

將士九百人金人死者以萬計既而烏珠復親帥兵

逆戰于店步

即店埠鎮在廬州府合肥縣東

沂中等又敗之乘勝逐

北遂復廬州

金命致仕官至三品者給半俸

金追封昏德公為天水郡王重昏侯為天水郡公

又封邪律延禧為豫王

金主親祀孔子

三月張俊楊沂中劉錡奉詔班師金人破濠州俊使沂中救之敗績

張俊楊沂中劉錡奉詔班師繞行數里諜報金人攻

濠州甚急俊乃復邀沂中錡回會于黃連埠

在合肥縣東北

同往援拒濠六十里而濠南城已破俊召諸將謀之

俊懦憊無能心
多猜忌其于劉
錡固以深嫉之
當金師克濠既
不從其退師據
險之謀及聞兵
去又不信其嚴
兵設備之說且
阻錡無往遂至
倉卒敗逃死傷
枕藉欲邀功而
適以喪師不開

沂中欲戰錡曰本來救濠今濠已失進無所依不若
退師據險徐為後圖諸將皆曰善三師鼎足而營或
言敵兵已去錡謂俊曰敵得城遽退必有謀也宜嚴
兵備之後不聽且欲自以為功命錡無往而令沂中
與王德將神勇步騎六萬直趨濠州列陣未定烟起
城中金人伏騎萬餘分兩翼出沂中以策麾軍曰那
回諸軍以為令其走也遂潰而南無復紀律金人追
之死者甚衆乃皆還鎮

俊歸建康錡歸大
平沂中歸臨安

問其失律之罪
當時政令可知
矣

岳飛帥兵救濠州不及還攻舒州

飛將救濠州奏金人舉國南來其內必虛若長驅京
洛以擣之後必奔命可坐而敵帝不從飛方苦寒嗽
力疾而行又恐帝急于退敵乃奏臣如擣虛勢必得
利若以敵方在邇未暇遠圖欲乞親至蘄黃以議攻
郤帝乃詔飛會師蘄黃飛至濠而城已破遂還兵舒
州以俟命

金人渡淮北去

夏四月以韓世忠張俊為樞密使岳飛為副使

秦檜力主和議恐諸將難制欲盡收其兵權給事中

范同

字擇善
建康人

獻計于檜請除韓世忠張俊岳飛樞密

府則兵柄自解檜喜乃密奏柘臯之捷召三將赴行
在論功行賞于是世忠俊皆入朝飛至獨後檜用王
次翁計候之七日既至遂拜世忠俊樞密使飛為副
使並宣押至樞府治事加楊沂中開府儀同三司賜
名存中王德清遠軍節度使

罷三宣撫司五月詔張俊岳飛如楚州閱軍

張俊知秦檜欲罷兵首請以所部隸御前且力贊和議檜深喜之遂罷三宣撫司以其兵隸御前遇出師臨時取旨又置三總領所于湖北淮東淮西以統諸軍錢糧時更軍制之初將士多不安乃命俊飛往淮

東撫世忠之軍

初飛在諸軍中年少以列校拔起累立顯功張俊不能平飛屈已下之淮

張俊才勇既不
速岳飛遠甚又
嫉其驟貴累立
顯功猜嫌日積
竟至甘心作檜
鷹犬百計傾誣

西之役俊以糧乏怵飛飛不為止帝賜札褒諭有曰
轉餉難阻卿不復顧後疑飛漏言還朝及倡言飛逗
遲不進以乏餉為辭至是俊知世忠忤檜欲與飛分
其背鬼軍飛義不肯俊大不悅既至楚州俊欲修城

織成冤獄其罪
豈在檣下高宗
任其肆意妄為
曾不加察轉使
之榮保功名非
庸闇而何

為備飛曰當戮力以圖恢復豈可為退保計俊變色
會世忠軍吏景著與總領胡昉言二樞密若分世忠
軍恐至生事昉上之朝檣捕著下大理將以扇搖誣
世忠飛馳書告以檣意世忠見帝自明俊于是大憾
飛遂密以飛報世忠事告檣檣大怒俊飛既還飛遂
不復出掌兵其僚屬多乞官祠而去俊每獨出視師

為俊

害飛張本

秋七月以范同參知政事

秦檜德同先進翰林學士不二月遂引為參知政事

罷淮北宣撫判官劉錡

錡自順昌之捷驟貴張俊楊存中嫉之至是二人言

宋之于庖袁亦猶唐之于李耳然李耳猶謬稽其有元元聖祖之稱至于庖袁不過列國一陪臣耳有何華胄之足炫且是時兩宮未還陵寢未復顧沾沾于作德之廟以為追遠報功其所

于朝曰淮西之役岳飛不赴援劉錡戰不力秦檜信之遂罷錡兵命錡知荆南府

八月立祚德廟于臨安

初神宗熙寧中立晉程嬰公孫杵臼廟于絳州報其存趙孤也至是立廟臨安並祀韓厥

罷知温州王居正

居正立朝累與秦檜忤自兵部侍郎出知温州知不為檜所容以目疾請祠杜門言不及時事客至談論

以為榮即所以
取辱耳

經史而已檜將忌之諷中丞何鑄劾居正為趙鼎汲

引欺世盜名奪職奉祠

居正之學根據六經揚時器
之出所著三經義解示居正

曰吾舉其端予成吾志居正感勵首尾十載為詩書
周禮辨學三十九卷與時書同進二書行天下遂不

復言王

氏學

罷岳飛奉朝請

飛以恢復為己任不肯附和議嘗讀檜奏至德無常
師主善為師之語恚曰君臣大倫根于天性大臣而
忍面欺其主耶烏珠遺檜書曰汝朝夕以和請岳飛

方為河北圖必殺飛始可和檜亦以飛不死終梗和

議已必及禍故力謀殺之遂諷中丞何鑄待御史羅

汝楫

字彥濟
歙縣人

諫議大夫方侯高

字元忠
開封陽武人

等交章論

飛奉旨援淮西暫至舒蘄而不進比與張俊按兵淮

上欲棄山陽而不守乃罷為萬壽觀使奉朝請

九月吳璘等收復陝西諸州詔班師還鎮

吳璘進兵援秦州聞金統軍和珍

舊作胡蓋
今改後仿此

與希

卜蘇

舊作習不視
今改後仿此

合兵五萬屯劉家園

在秦州
東北

請于

胡世將擊之

世將問策安出璘曰有新立疊陣法每戰以長鎗居前坐不得起次最強弓次

強弩跪膝以俟次伸臂弓約敵相搏至百步內則神臂先發七十步強兵併發次陣如之凡陣以拒馬為限鐵鉤相連俟其傷則更代代則以鼓為節騎兩翼以蔽于前陣成而騎退謂之疊陣世將善之諸將竊議曰吾軍其殲于此乎璘曰此古東伍令也軍法有之諸君不議可得車戰餘意無出于此戰士心定則能持滿敵雖銳不能當也

遂進次剡家灣

在劉家園南

時和珍布下蘇

據險自固前臨峻嶺後控臘家城

在劉家園北

謂璘必不

敢輕犯先一日璘會諸將問所以攻姚仲曰戰于山

上則勝璘以為然乃請戰金人皆笑之夜半璘遣姚

仲王彥衝枚渡河陟峻嶺截坡上約二將上嶺而後
發火二將至嶺寂無人聲軍已畢列萬炬齊發金人
駭愕曰吾事敗矣希卜蘇善謀和珍善戰二人異議
璘先以兵挑之和珍果出鏖戰璘以疊陣法更休迭
戰輕裘駐馬亟麾之士殊死鬪金人大敗降者萬人
璘占走保臘家城璘聞而攻之城垂破朝廷方主和
議以驛書詔班師時璘拔秦州其勢方張陝西河東
首領爭來附而楊政拔隴州及破岐下諸屯郭浩復

華州入陝州矣詔至瑋即自臘家城引兵還河池浩還延安政還鞏世將惟浩歎而已

莫將還自金

烏珠欲議和莫將久留于金乃縱之歸以道意秦檜遂奏遣劉光遠為通問使

冬十月詔以魏良臣為金國稟議使

烏珠遣劉光遠還要官尊望著者為使秦檜乃奏遣良臣

秦檜矯詔下岳飛于大理獄

秦檜必欲殺飛乃與張俊謀密誘飛部曲能告飛事者優與重賞卒無應者俊聞飛嘗欲斬統制王貴又嘗杖之乃誘貴告飛貴不肯曰為大將寧免以賞罰用人苟以為怨將不勝其怨俊因劾以私事貴懼而從之檜又聞飛統制王俊善告訐號鵬兒以姦貪屢為張憲所抑使人諭之王俊許諾于是檜謀以張憲王貴王俊皆飛部將使其徒自相攻發因以及飛父

高宗于岳飛始
則賜以精忠旗
幟既復手勒腹
公嘉其于飛之心
跡非不深知者
乃檜欲召飛父
子證事不能明
其無罪第語以
勿妄追證及檜
矯詔逮鞠致飛
銜不白之冤死于
獄底高宗竟不

子庶帝不疑俊時在鎮江乃自為狀付王俊妄言副
都統制張憲謀據襄陽還飛兵柄令告王貴使貴執
憲赴鎮江行樞密府憲未至俊預為獄以待之屬吏
王應求白俊以為樞院無推勘法俊不聽親行鞠鍊
使憲自誣謂得飛子雲手書命憲營還兵計憲被掠
無完膚竟不伏俊手自具獄成告檜械憲至臨安下
大理寺獄檜奏召飛父子證憲事帝曰刑所以正亂
勿妄追證動搖人心檜矯詔召飛父子使者至飛第

復一言致詰雖
甚憤憤不應若
此然則檜之擅
殺飛父子高宗
實不得辭其責
也

飛笑曰皇天后土可表此心遂與雲就獄檜命中丞
何鑄大理卿周三畏鞠之鑄引飛至庭詰其反狀飛
裂裳以背示鑄有舊涅盡忠報國四大字深入膚理
既而閱實俱無驗鑄察其冤白檜檜曰此上意也鑄
曰鑄豈區區為岳飛者強敵未滅無故戮一大將失
士卒心非社稷之長計檜語塞乃改命諫議大夫萬
俟卨素與飛有怨遂誣飛令于鵬孫革致書張憲
王貴令虛申探報以動朝廷雲與憲書令措置使飛

還軍且云其書已焚飛坐繫兩月無可證者或教高
以臺章所指淮西逗遛事為言高喜白檜簿錄飛家
取所賜御札與往來道途日月皆可考乃收其御札
送官藏之滅跡高又使鵬輩等證飛受詔逗遛命評
事元龜年取行軍時日雜定之傳會其獄大理卿薛
仁輔寺丞李若樸何彥猷皆言飛無辜判宗正寺士
褒請以百口保飛無他且曰中原未靖禍及忠義是
忘二聖不欲復中原也皆不聽韓世忠心不平詣檜

詰其實檜曰飛子雲與張憲書雖不明其事莫須有
世忠曰莫須有三字何以服天下也

韓世忠罷

世忠深以和議為不然及魏良臣使金世忠諫曰中原
豪傑莫不延頸以俟弔伐之師若自此與和日月
侵尋人情銷弱國勢委靡誰復振之北使之來乞與
面議復抗疏言秦檜誤國之罪檜諷言官論之帝不
聽而世忠連疏乞罷遂罷為醴泉觀使封福國公

世忠

自是杜門謝客絕口不言兵時跨驢攜酒從一二童
奴縱游西湖以自樂澹然若未嘗有權位者平時將
佐罕得見其面

十一月安置李光于藤州

秦檜忌光諷中丞万俟卨論光陰懷怨望與孫近朋
比安置藤州藤州守臣以光詩有諷刺者獻于檜檜
怒令言者論之再貶瓊州

和議成以何鑄簽書樞密院事奉表稱臣于金

烏珠以蕭毅邢具瞻為審議使與魏良臣偕來議以

淮水為界求割唐鄧二州及陝西餘地歲幣銀絹各二十五萬仍許歸梓宮太后帝悉從其請命宰執告

祭天地宗廟社稷命鑄往使

誓表畧曰臣構言今求畫疆以淮水中流為界

西有唐鄧州割屬上國自鄧州西南屬光化軍為蔽邑沿邊州城既蒙恩造許備藩方世世子孫謹守臣節每年皇帝生辰并正旦遣使稱賀不絕歲貢銀絹二十五萬兩匹自壬戌年為首每春季差入般送至泗州交納有渝此盟明神是殛墜命亡氏蹈其國家臣今既進誓表伏望上國早降誓詔庶使敝邑永為憑
馬穀辭帝諭曰若今歲太后果還自當謹守誓約如

今歲未也則誓文為虛設鑄至汴見烏珠遂如會寧

烏珠等遣人來復求商州及和尚方山二原

十二月遣使割唐鄧商秦之地以畀金

京西割唐鄧二州陝西割商秦之半棄和尚方上二

原以大散關為界于是宋僅有兩浙兩淮江東西湖

南北西蜀福建廣東西十五路而京西南路止有襄

陽一府陝西路止有階成和鳳四州凡有府州軍監

一百八十五縣七百三金既畫界建五京

上京會寧府東京遼寧

陽府西京大同府南京大興府中京大定府後改南京為中都以汴京為南京

置十四總管

府凡十九路

上京咸平東京北京西京中都南京河北東西山東東西大名河東北南京兆

鳳翔鄆延慶原臨兆

其間散府九節鎮三十六守禦郡二十二

刺史郡七十三軍十有六縣六百三十二

初卽隆在商州十年

披荆榛瓦礫以為治招來流散屢敗金人終不肯離商而去值和議成割商與金隆常快快從知金州嘗以兵出境秦檜恨之徙知叔州檜陰使人酖之也

秦檜殺故少保樞密副使武昌公岳飛

歲已暮而飛獄不成一日檜手書小紙付獄即報飛死矣年三十九雲與張憲皆棄市于鵬等從坐者六

入籍飛家質徙之嶺南于是薛仁輔李若樸何彥猷
皆被黜布衣劉允升上書訟飛寃下大理獄死齊安王王
褒以救飛尋放之建州凡傳成其獄者皆進秩洪皓
在金以蠟書奏金人所畏服者惟飛至以父呼之及聞

其死金人酌酒相賀

飛事親孝家無姬侍吳玠素服飛願與交驂飾名妹遺之飛曰

主上宵旰豈大將安樂時邪卻不受玠益敬服帝欲
為飛營第飛辭曰金兵未退何以家為或問天下何
時太平飛曰文臣不愛錢武臣不惜死天下太平矣
平有取民麻一縷以束芻者立斬以徇卒夜宿民間
門願納無敢入者軍號凍死不折屋餓死不啗掠平
有疾飛躬為調藥諸將遠戍飛遣妻問勞其家死事

者哭之而育其孤或以子婚其女凡有頒犒均給軍
吏秋毫不私善以少擊衆謀定而後戰故有勝無敗
猝遇敵不動故敵為之語曰撼山易撼岳家軍難張
俊嘗問用兵之術飛曰仁信智勇嚴關一不可飛好
賢禮士覽經史雅歌長壺恂恂如書生每辭官必曰
將士効力飛何功之有然忠憤激烈議論持正不挫
于人卒以此得禍飛死時有女痛父冤抱
銀瓶投井以殉後人因名其井為孝娥井

壬戌十二年

金皇統二年

春二月進封建國公瑗為普安郡王

已而封崇國公璩為恩平郡王

事在十五年

詔諸州修學宮

何鑄還自金

初蕭毅至臨安帝曰朕有天下而養不及親徽宗無
及矣今立信誓明言歸我太后朕不恥和不然朕不
憚用兵及何鑄曹勛往帝召至內殿諭之曰朕北望
庭闈無淚可揮卿見金主當曰慈親之在上國一老
人耳在本國則所繫甚重以至誠說之庶彼有感鑄
至金首以太后為請金主曰先朝業已如此豈可輒
改曹勛再三懇請金主乃許之遂遣鑄還許歸徽宗
及鄭后邢后之喪與帝母韋氏

三月四川宣撫副使胡世將卒以鄭剛中

字享仲婺州金華人代

之

剛中節制諸將極嚴每入謁必先庭揖然後就坐吳璘陞少師語王閻吏乞講釣敵之禮剛中曰少師雖尊猶都統制耳倘變常禮是廢軍容璘惶恐聽命

夏四月金使人以袞冕來冊帝

金遣左宣徽使劉筈

彥宗之子

以袞冕圭冊冊帝為大宋

皇帝

五月初置榷場于盱眙

金人約各置榷場于兩界于是置盱眙榷場官監與

北商貿易淮西京西陝西榷場亦如之金亦置榷場

于壽鄧州鳳翔府

後二十年並罷惟存盱眙榷場據宋史本紀及食貨志增通鑑此

下作後又置于兖州棗陽安豐軍此乾道間事而同時所置反畧不錄今改輯

六月安置王庶于道州

秋八月何鑄罷

鑄于是年七月權參知政事

秦檜以鑄不傳會岳飛之獄怨之諷萬俟卨論其過

與羅汝楫輩交章論飛非西事

者鑄也業已黨
附奸惡以興大
獄迫目擊奇冤
然後欲為昭雪
亦已晚矣故論
鑄之罪視萬族
高等未減則可
遂以為無罪則
不可

欲竄諸嶺表帝不許遂出知徽州後復責授秘書少
監徽州居住

金人歸徽宗皇帝顯肅皇后鄭氏及懿節皇后邢氏之喪
喪至帝易總服奉安龍德別宮

皇太后韋氏至自金

后有智慮初聞金人許還三梓宮後恐其反覆呼役
者畢集然後起攢宮時方暑金人憚行后慮有他變
乃陽稱疾須秋涼進發已而稱貸于金使得黃金三

平兩以犒其衆由是途中無虞帝至臨平奉迎見后
喜極而泣后至臨安入居慈寧官

九月大赦加秦檜太師封魏國公

以和好成也

尋以大后回鑾推恩進封檜秦魏兩國公檜以封兩國與蔡京同辭不拜

遣使如金

沈昭遠賀生辰楊愿

字原仲吏不詳何所人

賀正旦

賀禮俱用金茶器千

兩銀茶器萬兩錦綺千匹

金循契丹例不欲兩接使人故併遣使

歲如之

冬十月始聽中外用樂

權攢徽宗皇帝及顯肅皇后于永固陵

尋改曰永祐在會稽縣東南

以懿節皇后祔

十一月張俊免

初俊贊秦檜和議約盡罷諸將獨以兵權歸俊及和議定諸將罷而俊無去意故檜諷臺臣江邈論之遂

罷為鎮洮崇信等軍節度使充醴泉觀使進封清河

郡王奉朝請

是月劉光世卒光世于諸將中最先進然律身不嚴馭軍無法及秦檜用事早

解兵柄與時浮沉故不為檜
所忌得竊寵榮以終其身

徽猷閣待制致仕尹焞卒

焞質直宏毅實體力行程頤嘗以魯許之且曰我死
而不失其正者尹氏子也及是卒

詔秘書少監秦熈修日歷

秦檜無子取妻兄王煥孽子熈養之南省擢為第一
檜以為嫌進士陳誠之策專主和議乃以為首熈次
之歷官秘書少監檜自知不為士論所與乃以熈領

國史自檜再相凡詔書章疏稍及檜者率更易焚棄
是後紀錄皆燬筆無公是非矣又因太后北還頌功
德凡二千餘言使著作郎王楊英周執羔上之皆還
秩

据檜本傳乃燬頌檜通鑑
直以屬檜似誤今改正

孟忠厚罷

先是忠厚為樞密使充攢宮總護使忠厚始雖以外
戚顯貴然能避權勢不以私干朝廷秦檜忠厚之僚
婿也未嘗親附世以此重之至是山陵畢檜諷臺諫

引故事外戚不預政罷之

十二月陝西大旱

初陝西連歲不雨至是涇渭灞澮皆竭民無以食多

饑死者

西遼耶律達實后蕭氏死子伊呼立

改元
紹興

癸亥 十三年 金皇統三年

春正月作太學

以岳飛宅為之

二月作景靈宮

遣官自溫州奉迎祖宗神御至遂詣天章閣西殿告遷徽宗及顯恭顯肅二后神御併奉安焉

三月築太社太稷壇及園丘

夏閏四月立貴妃吳氏

開封人

為皇后

后年十四選入王邸帝既即位后常以戎服侍左右習書史善翰墨寵遇日隆累進貴妃帝憐邢氏在金虛中宮以待其還至是秦檜累表請立后皇太后亦以為言帝從之

王次翁罷

秦檜當國凡居政府者莫不以微忤斥始終不貳于檜者惟次翁一人而已

秋七月行人洪皓張邵朱弁還自金

自建炎以來奉使如金被拘囚者三十餘人多已物故惟三人以和議成許歸已而金人遣七騎追之及

淮而皓等已在舟中矣

皓居冷山屢因謀者密奏金事且力言和議非計乞與師

進擊嘗求聿太后書遣李徽持歸帝大喜曰朕不知太后寧否幾二十年雖遣使百輩不如此一書皓留

王倫奉使在金
本無足比數及
久困懷歸倡為
和議金人始定
計遣之其探策
決去留聊以掩
飾衆聽耳不然
朱弁以副使抗
言誓死不肯歸
幸先歸而為正
使者然無一語

金凡十五年而還入對內殿求郡養母帝曰卿忠貫
日月志不忘君雖蘇武不能過豈可捨朕去邪皓退
見秦檜語連日不止曰張和公金人所憐乃不得用
錢瑋暫居而景靈宮太廟皆極土木之華豈非示無
中原意乎檜不懌遂除徽猷閣直學士提舉鴻臚觀
復以論事忤檜出知饒州卽被囚踰年送劉豫使用
之卽見瑋長揖而已又呼瑋為殿院貴以君臣大義
詞氣俱厲瑋怒械于獄久之復送于金拘之燕山僧
寺及還入見除秘書修撰主管祐神觀司諫詹大方
論其使事無成改台州崇道觀弁副王倫使金既就
館守之以兵久之金將議和當遣一人受書還欲弁
與倫探策決去留弁曰吾來固自必死豈應今日
覲幸先歸願正使受書歸報天子成兩國之好蚤申
四海之養于兩宮則吾雖暴骨外國猶生之年也倫
將歸弁謂曰古之使者有節以為信今無節有印印
亦信也願留之使弁得抱以死死不腐矣倫解以授

其貪生畏死之心已可想見厥後雖以不受金爵見殺蓋愆已晚有愧于升之始終不渝名節多矣

升升受而懷之卧起與俱金人迫升仕劉豫不從金人怒絕其餼遺以困之升固拒驛門忍饑待盡誓不為屈金人感動致禮如初久之復欲易其官升曰吾官受之本朝有死而已誓不易以辱吾君也人以書訣陪曰放行入非細事吾曹遭之命也要當舍生以全義耳乃具酒台被掠士夫敗半酣語之曰已得此某寺地一旦畢命報國諸公幸痊我此地題其上曰有宋通問副使宋公之墓于我幸矣衆皆泣下莫能仰視升談笑自若及尼馮哈死升密疏金國虛實曰此不可失之時也遣李發間行歸報上倫還以升奉送徽宗大行之文為獻其辭有曰嘆馬角之未生覩消雲霭攀龍驤而莫逮淚灑冰天帝讀之感泣官其親屬五人謂丞相張浚曰升歸日當以禁林處之及還入見便殿升謝且曰陛下與金人講和上返梓宮次迎太母此皆知時知機之明然盟可守而詭詐之心宜嘿以待之兵可息而消弭之術宜詳以講之陛下

既知于始願圖厥終帝曰善秦檜
惡其言奏易宣教郎直秘閣而卒

帝書六經刻石于太學

碑石今在浙江杭州府學故壁中

冬十二月癸未朔日食

是日陰雲不見秦檜率百官稱賀

金人來聘

賀正旦也

禮物金酒器六事色綾羅紗段二百段馬六匹自是歲如之

復置三館

上謂宰執曰人才須素養太宗置三館養天下之士

至仁廟人才輩出為用今日若不興學校將來安得

人才用邪

甲子十四年金皇統四年春正月樂平唐縣今屬江西饒州府水關

水關之大難見於國語然穀洛二水本自會流或激而成衝突之勢類於相關理尚可通若田中之水聚而直行井水溢高天矯如虹則不經殊甚且水力安能穿牆毀樓哉史家無識傳會

樂平縣何衝里田隴數十百頃田中水類為物所吸聚為一直行高平地數尺不假隄防而水自行里南程氏家井水溢亦高數尺天矯如長虹聲如雷穿牆毀樓二水關于杉塾且前且却約十餘刻乃解各復故

傳訛亦好怪而失之誣矣

二月万俟卨罷

高于十二年八月參知政事

以樓炤簽書樞密院事

初高自金還秦檜假金人譽已數千言屬高以聞高難之他日奏事退檜坐殿廬中批上旨輒除所厚者官吏鈐紙尾進高曰不聞聖語卻不視檜大怒自是不交一語諷言官李文會詹大方論之高遂求去

三月帝謁孔子廟遂視學

國學大成殿成司業高闕表請帝視學從之止輦于殿門外步趨升降退御敦化堂命禮部侍郎秦熺執

經高閣講易泰卦

胡宏見閣表移書責之曰大學明人倫之所在也太上皇帝刳制于

彊敵生往死歸此臣子痛心切骨卧薪嘗膽宜思所以必報之大讐也太母天下之母其縱釋乃在金人此中華之大辱臣子所不忍言也而柄臣乃敢欺天罔人以大讐大辱而為大恩閣下目覩忘讐滅理北面敵國以苟宴安之事猶晏然為天下師儒之首既不能建大論明天人之理以正君心乃阿諛柄臣希合風旨求舉太平之典人從而為之詞欺罔孰甚焉

胡宏字仁仲安國子

夏四月初禁野史

從秦檜請也

後著作郎林機言有失意之人匿迹迤地窺伺朝廷作為私史以售其邪說請

禁絕之復下詔申禁之

五月樓炤罷以李文會簽書樞密院事

文會劾炤罷之遂命文會代炤自是執政免即以言

者代之

已而文會為楊愿劾去愿遂代其位愿迎合秦檜意旨以為舉劾人謂之內簡牌未幾亦

斥天下快之

閩浙大水

內侍右武大夫白鏐從皇太后北歸者因閩浙大水

宣言燮理乖盤洪皓名聞華夷顧不用鏐館客張伯

麟嘗題太學壁云夫差而忘越人之殺而父乎秦檜

怒之俱坐誹謗刺配鍰于萬安軍伯麟于吉陽軍罷
酷提舉江州太平觀

秋九月徙趙鼎于吉陽軍

鼎在湖五年杜門謝客時事不掛口有問者引咎而
已先是鼎請正建國公皇子之號檜言鼎欲立皇太
子是待陛下終無子也宜俟親子乃立至是中丞詹
大方希檜意劾鼎與其黨范中邪謀密計轉相煽惑
以徼無妄之福蓋指皇子而冲嘗為翊善故也遂移

鼎吉陽

鼎謝表有曰白首何歸悵餘生之無幾丹心未泯誓尤死以不移檣見曰此老倔強猶昔

冬十月何若請黜程頤之學

右正言何若指張頤張載遺書為專門曲學請戒內
外師儒之官力加禁絕秦檜從之

十二月王倫為金所殺

金欲以倫為平州路轉運使倫曰奉命而來非降也
金脇以威遣使來趣倫拒益力金杖其使俾縊殺之

乙丑

十五年

金皇統五年

春正月朔初御大慶殿受朝

夏四月朔彗出東方大赦

六月乙亥朔日食

帝幸秦檜第

上賜檜第又賜銀萬兩絹萬匹錢萬緡綵千匹車駕
親幸加檜妻兩國夫人子熺學士承旨婦郡夫人孫
頊堪坦並除直秘閣賜三品服頊時方九歲尋書一
德格天之閣六字賜檜後又命作檜家廟賜以祭器

秋七月放張浚于連州

浚因星變欲力論時事以其母計氏年高言之必及禍計氏知之誦其父咸紹聖初制策曰臣寧言而死于斧鉞不忍不言而負陛下浚意遂決即上疏言當今事勢即養大疽于頭目心腹之間不決不止遲則禍大而難決疾則禍輕而易治惟陛下謀之于心斷之以獨謹察情偽豫備倉卒庶幾社稷安全不然後將噬臍事下三省秦檜大怒令中丞何若劾之遂貶連州居住尋徙永州檜必欲殺浚以其死黨張栻知

潭州與郡丞汪召錫共伺察之

寬諸郡雜稅

是條續綱目係于十八年宋史高宗紀載在十五年今依宋史改

帝曰不知取之為取而不知予之為取若稍與展免

侯家給足稅歛自然易辨于是蠲廬光二州上貢

錢米汀漳三州秋稅處州三縣被水民家綢絹鄂州

舊額絹各一年又蠲四川積貨常平錢三十萬緡京

西路請佃田租及州縣場務稅錢

御批歷代通鑑輯覽卷八十六